

Alkitab Sagan Kakanakan

Mengenal akan

Daud Si Raja
(Bagian 2)



Panulis: Edward Hughes

Nang manggambar: Lazarus
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang


Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.




Daud manjadi raja atas Yehuda,
di Palestina selatan. Tapi
urang Israel lainnya
maambil Isyboset,
anak Saul, sabagai
raja. Parang sipil
maamuk selama
tujuh tahun.
Tapi Daud
tumbuh
samakin
kuat.




Akhirny raja Isyboset dibunuh
ulih dua urang tantaranya.




Imbah samunyaan anggota suku datang ka Daud
lawan mangurapi inya sabagai raja atas Israel.




Hal pertama nang dilakuakan ulih Raja Daud adalah marabut Yerusalem. Imbah ngintu kuta ngini dikanal lawan Kuta Daud. Inya mambangunnya pulang sabagai banteng malawan musuh-musuh.



Matan Yerusalem, tantara-tantara Daud kaluar hagan manakluakan urang-urang Filistin lawan musuh-musuh Israel lainnya.



Salunjutnya, Raja Daud mambawa Tabut Tuhan ka Yerusalem. Tabut Tuhan ngintu baisy Salinan matan sapuluh hukum lawan hukum-hukum lain nang dibariakan Tuhan ka Musa. Tabut ngintu maingatakan urang Israel amun Tuhan ngintu kudus lawan buhannya parlu hagan manaati Inya.



Daud harus baparang dalam banyak partampuran pas tahun-tahun pamulaan masa pamarintahannya. Inya adalah saurang tantara nang bijaksana, urang nang randah hati nang salalu badua ka Tuhan hagan maminta pimpinanNya.





Sabuting hal nang
manggangu hati Daud
adalah inya baisi
rumah nang bungas
banar hagan didiami
samantara
tabut
paringatan
Tuhan barada
dalam sabuah
tinda.



Daud mamutusakan hagan mambangun sabuting rumah Tuhan. Natan saurang nabi Tuhan, baucap ka inya hagan mamulainya.





Pas malam ngintu, Tuhan mangirim sabuting utusan ka Daud: "Daud hambaKu, Tuhan pacangan mambariakan katurunan haganmu.





Amun umurmu
sudah ganap

lawan ikam sudah mandapat parhantian basama-sama
nini muyangmu, Aku pacangan mambangkitakan
katurunanmu nang imbah ngintu, anak kandungmu
lawan Aku pacangan mangukuhakan karajaannya."



Daud handak mambantu keluarga Saul nang masih hidup. Inya manamuakan anak Yonatan, Mefiboset, nang pincang. "Inya pacangan tatap makan sahidangan lawan aku." Daud baucap. Daud baik banar ka Mefiboset ulih Yonantan adalah kawan baiknya.





Salama Daud parcaya
lawan taat ka Tuhan,
Tuhan manulung Daud
supaya inya bahasil lawan
baik. Tapi pas hari ngintu,
sabuting bayangan nang
buruk manyalimuti
kahidupan Daud.






Inya mangirimakan tantaranya hagan barparang, samantara inya badiam di Yerusalem. Pas malam, inya kada kawa guring. Jadi inya bajalan-jalan di atas hatap rumah lawan malihat kuta matan hatap rumah ngintu.



Daud malihat saurang binian bungas nang rahat mandi. Ngarannya Batsyeba. Daud maulah dusa lawan Batsyeba biar lakinya, Uria, adalah salah sabuting prajurit Daud nang wani. Imbah ngintu Batsyeba baucap ka Daud amun inya batianan, Daud tahu amun dusanya pacangan maulah labih banyak masalah.





Amun inya maakui ka Tuhan, Daud mancuba hagan manutupi dusanya. Hal ngini kada suah inya lakuakan sabalumnya! Inya mahiau Urai bulik matan paparangan, baharap Urai pacangan bulik ka rumahnya lawan bapikir amun bayi nang ada dalam parut bininya ngintu adalah anaknya. Tapi Urai kada bulik ka rumahnya salama tuannya lawan tantara-tantara nang lain jua barada dalam paparangan. Urai guring di lawang garbang istana raja.



Jadi Daud malakuakan
sasuatunang labih jahat.
Inya mangirim Urai babulik
ka paparangan lawan
salambar surat.
Dalam surat ngintu
diucapakan amun Urai
harus mati dalam
paparangan. Pas Urai
tabunuh, Daud maambil
Batsyeba sabagai
bininya.



Tuhan mangirimakan hambanya, Natan, hagan manunjukakan Dusa Daud. Natan mangisahakan ka Daud sabuting kisah tantang saurang sugih lawan saurang miskin. Urang sugih ngintu baisy ratusan

kambing dumba. Tapi urang miskin ngini baisy saikung

dumba halus, nang inya anggap sabagai saurang anak binian hagannya.



Pas ngintu saurang tamu datang ka rumah urang sugih ngintu, urang sugih ngintu kada handak manyambalih saikung kambingnya hagan manjamu tamunya ngintu, Malahan, inya maambil lawan manyambalih dumba ampun urang miskin ngintu.



Daud manjadi sarik
banar ka urang sugih
nang egois ngintu. Inya
baucap, "Urang nang
malakuakan hal ngintu
harus dihukum mati."



"Ikamlah urang ngintu!" Lawan wani Natan baucap ka Daud. Napa nang Daud lakuakan labih buruk daripada nang dilakuakan urang sugih dalam kisah ngintu.



Tuhan manunjukakan ka Daud batapa jahatnya napa nang sudah dilakuakannya. Lawan Daud marasa manyasal atas dusanya. Inya baucap ka Tuhan: "Aku sudah badusa ka Tuhan." Lawan Tuhan maampuni dusa Daud. Tapi bayi Batsyeba garing parah lawan mati imbah dilahirakan.



Tuhan mangampuni Daud
matan dusa nang jahat banar.
Imbah Batsyeba malahirakan
anak lain, Salomo, nang
pacangan manjadi saurang
raja ganal sasudah Daud.
Tapi Raja Daud dalam
pandaritaan nang ganl.



Daud Si Raja (Bagian 2)

Sabuting kisah matan Firman Tuhan, Alkitab

Taulih dalam

2 Samuel 1-12

"Amun tabuka, firman-firmanPian mambari pamahaman." Mazmur 119:130



Tunting



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

